



13. juni 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Misileraalluni makrelinik aalisarnissaq pillugu Pinngortitaleriffiup nalunaarusiaa qanoq inerneqarpa aamma Naalakkersuisut nalunaarummik tamanut saqqummiussinissartik qaqugu naatsorsuutigaa?

(Inatsisartunut ilaasortaq Jens B. Frederiksen, Demokraatit)

Tunngavilersuut:

Naalakkersuisuusimasut 2010-mi 2011-mi aamma 2012-mi ilaatigut makrelinik misileraalluni aalisarnissaq akuersissutiginikuuat.

Pinngortitaleriffik maannamut makrelinik misileraalluni aalisarneq pillugu marlunnik nalunaarusiorallarnikuuvoq, siusinnerusukkullu § 37 tunngavigalugu apeqquqummut atatillugu oqaatigineqarnikuuvoq, nalunaarusiaq 2013-mi kvartalip siulliup ingerlanerani naammassiumaartoq.

Maannakkut naalakkersuisunngortut makrelinik misileraalluni aalisarnissamut qinnuteqaatit nutaat akueraat ulloq 2. maj naatsorsuutigaa aralu tamanna pisimassasoq Pinngortitaleriffiup inaarutaasumik nalunaarusiaa tunngavigalugu. Malunnarporli nalunaarut suli tamanut saqqummiunneqanngitsoq aamma uanga isumaqarpunga inuiaqatigiit nalunaarutip inernerinik paasitinneqarnikunngitsut?

Nalunaarulli pissanngatigineqarpoq soorlu aamma § 37 tunngavigalugu apeqquqummi Aleqa Hammondimit siorna ulloq 14. november saqqummiunneqartumi takuneqarsinnaasut. Taamaattumik qularinngilara, nalunaarummik saqqummiussinissaq Naalakkersuisunngortut pingaartissaqigaat taamaattumillu Naalakkersuisut piffissaq eqqortoq utaqqiinnaraat nalunaarutip inernerinik tamanut saqqummiussiniarlutik.

Neriuppunga apeqquqteqarnikkut Naalakkersuisut akinissaannut piffissaq eqqortoq tunniussimassallugu.

Apeqquqtit akeqquneqarput tiguneraniit ullut sulliviit naliginnaasut qulit qaangiutsinnagit.